

1620.

Փառք... որ ետ կարողութիւն ոգոյս սուտանուն գրչիս յիմար և տարտամ եղեգնագծիս, հասանել ի վերջին տառիս, որ կոչի Մեկնութիւն Յորայ, ի լաւ և յընտիր օրինակէ... Գրեցաւ սա ձեռամբ մեղսամած և փծուն գրչի Գրիգորի որդոյ Պր. Ավետիքին՝ մականունն Տօմաժիրաքին, ի խնդրոյ Տէր Գրիգոր կրօնաւորին, որ ետ գրել զայս գիրքս յիշատակ ի Ս. Երուսաղէմ, վասն իւր հոգոյն և իւր ծնողացն. ի թուականութեանս Հայոց ՌԿԸ, և սեպ. ամսոյ Ա, օրն չորեքշաբթի. ի թագաւորութեան Լեւոն Գ Չիկմունտին, և ի կաթողիկոսութեան Հայոց Ս. Էջմիածնայ՝ Տէր Մեղքիսեղին. ի քաղաքս Լեւոնաց՝ որ կոչի Լոփ, ընդ հովանեաւ Ննջման Ս. Աստուածածնին, և Ս. Հաճկատար Ս. Աստուածածնի և Ս. Յակոբին և Ս. Խաչին: Արդ որք հանդիպիք սմա... մի բերան Աստուած ողորմի ասացէք հանգուցեալ վարպետին իմոյ Տէր Դաւթի Զեթունցի քահանային. զի այր գիտնական և քաջ փիլիսոփայ էր, յոյժ հմուտ հին և նոր կտակարանաց. որ բաղում ջանիւ և աշխատութեամբ աշխատեցաւ ի վերայ անպիտան ծառայիս, որ ոչ էի հմուտ այսմ արհեստիս և գրադարձիս: Որոյ Տէր Աստուած մեր պարգեւեցցէ, և այլն: [Ի Ս. Ղազար]:

1620.

Գրեցաւ սուրբ գիրքս (Յայսմաւօրք) Հայոց թՎին ՌԿԹ, ի հայրապետութեան Տեառն Տէր Մեղքիսեղ կաթողիկոսին, և ի թագաւորութեանս այս Լեւոնաց աշխարհին՝ Գ. Չիկմունդին, ի քաղաքս որ կոչի Կամենից, ընդ հովանեաւ ամենօրհնեալ Աստուածածնին սրբուհոյ, և Ս. Նիկողայոս սքանչելագործ հայրապետին, և Ս. Աւետման Աստուածածնին, և այլ սրբոցս... ձեռամբ... Յակոբ քահանայի որդոյ Տէր Գրիգոր աւագերիցու, ի խնդրոյ պատուական և պայազատ Բան Եուրբոյին:.. (Բժշկեան, եր. 140):

1620.

Աւարտ եղեւ Աստուածաշունչս այս սիրական
 Հին և նոր կտակարանքն լիական.
 Թուականիս Հայոց Մեծաց և արեթեան
 Հազար վաթսուն ութ յաւելի յարարարդեան.
 Ի յամիսն յապրիէլի ըստ հռոմական
 Որ վեշտասանն եղեւ զատիկ մեր հայկական:
 Ի յերկիրս յԼոուզաց և Լեհաստան,
 Ի քաղաքս աստուածախնամ Լոփ կոչական.
 Հայրապետին մերոյ ազգիս արեթական
 Տէր Մեղքիսեղին կաթողիկոսն արեւելեան.
 Ի յարեւմուտս տանըն Սըսա ազնուական՝